



UPRAVA	Strana: 1 od 1
Broj protokola: 05-1-25-1-508-21/24	JAVNO

Datum: 11.09.2024. godine

Na osnovu člana 70., a u vezi sa članom 69. stav (3) Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, Uprava J.P. Međunarodni aerodrom "SARAJEVO" d.o.o. Sarajevo, na 238. sjednici, održanoj dana 11.09.2024. godine donosi

## ODLUKU

### I

PONIŠTAVA SE postupak nabavke robe: Pushback traktor, proveden metodom nabavke Otvoreni postupak, jer je izabrani ponuđač, CENTUM d.o.o. Beograd, Republika Srbija, propustio da u ostavljenom roku ugovornom organu dostavi originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

### II

J.P. Međunarodni aerodrom "SARAJEVO" d.o.o. Sarajevo će, nakon proteka rokova za reviziju, provesti novi postupak nabavke robe iz tačke I ove Odluke.

### III

Komisija za provođenje ponovljenog postupka nabavke biće imenovana naknadno, posebnim rješenjem.

## Obrazloženje

Odlukom Uprave J.P. Međunarodni aerodrom "SARAJEVO" d.o.o. Sarajevo, broj: 05-1-25-580-18/24 od 19.08.2024. godine, za nabavku robe: Pushback traktor prihvaćena je ponuda ponuđača CENTUM d.o.o. Beograd, Republika Srbija, zavedena na protokol J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) dana 08.04.2024. godine, pod brojem: 02-4-25-1-508-5/24. Predmetna odluka i obavijest o prihvatanju ponude dostavljeni su navedenom ponuđaču dana 23.08.2024. godine.

Tačkom II navedene Odluke navedenom ponuđaču je, u skladu sa uslovima iz Tenderske dokumentacije, te u skladu sa Izjavom ponuđača dostavljenom u njegovoj ponudi, naloženo da Društvu u roku od 7 (sedam) radnih dana od dana prijema Odluke i obavijesti dostavi dostavi originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude. Rok za dostavu navedene dokumentacije je istekao zaključno sa 03.09.2024. godine, a navedeni ponuđač do navedenoga roka nije dostavio traženu dokumentaciju, u skladu s čime je konstatovano da nije postupio u skladu sa uslovima iz tenderske dokumentacije, prihvaćenim sa njegove strane. Kao posljedica navedenoga, utvrđeno je da ne postoje uslovi da se navedenom ponuđaču dodijeli ugovor o nabavci predmetne robe. Imajući u vidu da je ovaj ponuđač bio i jedini ponuđač u predmetnom postupku javne nabavke, konstatovano je da ne postoje ni uslovi iz člana 70. stav (3) tačka a) Zakona o javnim nabavkama – dodjela ugovora drugom ponuđaču, onom čija je ponuda po rang-listi odmah nakon ponude najuspješnijeg ponuđača.

S obzirom na navedeno, utvrđeno je da su se stekli uslovi za prestanak, odnosno poništenje predmetnog postupka javne nabavke iz člana 69. stav (3) Zakona o javnim nabavkama: „Ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke“, pa je Sektor za administrativnu podršku isto i predložio, uz ponavljanje postupka nabavke nakon proteka rokova za reviziju.

Uprava Društva je na svojoj 238. sjednici, održanoj dana 11.09.2024. god., razmotrila navedeni prijedlog stručne službe, te je isti i prihvatila, pa je, na osnovu člana 69. stav (3) i člana 70. Zakona o javnim nabavkama, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.



## DOSTAVLJENO:

1. Upravi Društva (orig.)
2. CENTUM d.o.o. Beograd, Republika Srbija
3. Sektoru za administrativnu podršku
  - Služba nabavke (orig)
  - Služba za pravne poslove i protokol
4. a/a

QZ

Handwritten signature